

幻士仁賢經一卷

衣二

西晉三藏竺法護譯

聞如是一時佛在王舍城靈鷲山與大比丘
 衆千二百五十菩薩五千俱皆神通菩薩一
 切大聖悉得摠持辯才無礙其名曰師子菩
 薩師子意菩薩誠樂菩薩道御菩薩大御菩
 薩光首菩薩光淨菩薩寂意菩薩人明菩薩
 開化人菩薩常應菩薩慈氏菩薩文殊師利
 六十賢者一切五千菩薩皆此上首者也梵
 王帝釋四王諸天龍王神無央數千時國大
 臣長者居士群臣僚屬供奉世尊衣被飲食
 醫藥牀卧之具世尊名稱普聞遠至是爲如
 來至真等正覺明行成爲善逝世間解無上
 士道法御天人師佛世尊諸神通慧普見所
 觀無餘如來十力四無所畏十八法不共不
 捨大慈不廢大哀慧明佛眼具足變化無極
 神足變化說本變化教授變化得無極發意
 之頃能使三千大千世界州域河海湏弥衆

山龍神天宮鐵圍山川溝坑樹木國邑墟聚
 在一毛孔從劫復過一劫是時王舍大城中
 有一幻士名曰毘陀仁賢明經解術曉了幻
 伎所作巧黠多所喜悅所興如意名聞于遠
 其摩竭國諸餘幻者皆所不及所至到處最
 上第一除諸見諦清淨士女得法忍者一切

人民莫不傾倒如所言者無不迷惑隨未曾
 有法而以此幻邪行之術得衆利養幻士仁
 賢聞佛世尊名稱普被如來至真等正覺聞
 已自念我身轉化摩竭人民及諸州城莫不
 受教惟未化沙門瞿曇亦未曾試及諸弟子
 我寧可試知可惑不假能惑者摩竭人民皆

共同心來供事我於是仁賢緣本功德承佛
 威神出王舍城至靈鷲山見佛世尊光踰日
 月百千億倍明淨無垢光焰遠照鬚相之曜
 灼若摩尼畢如蓮華清淨超梵八部音說法
 廣度見佛色身具足嚴妙意甚踊躍心自念
 言我欲試佛諸通之慧審普見不便行趣佛

稽首作禮用試佛故緣此請佛設知我意當
 不受請若不知者必受無疑佛知其意愍傷
 仁賢及王舍城一切人民欲度之故默然受
 請并比丘眾時仁賢念沙門瞿曇無諸道慧
 亦不普見以不見故今當曉試是時仁賢稽
 首作禮繞佛三匝而退賢者大目捷連白佛

衣幻士

二

梵釋引

言幻士仁賢內懷誑詐請佛及僧云何受之
 佛告目連汝且安默如來深究一切群民長
 夜迷惑因化立之以平等行天上世間無能
 施穢欺惑佛者如來以斷媯怒癡亂無餘瑕
 垢滅諸縛著離八十垢得不起法忍以故三
 界無能惑者一小幻士何所能諧如來解暢

一切法幻自致最正覺使諸人界及其本源
 皆使巧妙幻過仁賢終不能與佛幻術等百
 倍千倍無數億倍不可假託以為比喻佛告
 目連於意云何幻士仁賢寧能莊嚴化三千
 大千世界令淨好不對曰唯然此幻不能佛
 言如來發意之頃能使三千大千世界嚴淨

入一毛孔佛之幻術終不能惑正使十方佛
 國有風名隨嵐及斷截風飄壞三千大千世
 界還復如故有風名追逐風住止風旋轉世
 間有風名曰波栗屠那迴行三十二天有風
 名曰摧破崩壞須弥有風名曰拘那超大火
 上至三十二天有風名曰常來超劫燒天地

有風名曰熾火使三千大千世界一時俱然
 有風名曰澆灑起大雨有風名曰枯竭除盡
 水災之變佛告目連今我粗說是諸風名從
 劫過劫無有竟時云何目連寧有人能止虛
 空坐諸風之中作四器行使此諸風入一芥
 子其於芥子無所罣礙亦無毀害令諸天人

衣幻士

三

安隱娛樂而不驚怖如來幻法而復過是無
 有極也非弟子緣一覺地之所能及於時目
 連在眾會前稽首作禮白佛言唯然世尊我
 等為得善利所以者何世尊威神巍巍如是
 大尊無極其人民聞佛如來此變化者歡喜
 踊躍逮得善利便發無上正真道意一時欣

然功德無量於是幻士仁賢入王舍城還歸其家即其日夜於城內穢惡流聚最不淨處化於其中作大講堂懸繒華蓋而起幢幡現地平正樹木茂盛餅瑩珍器香鑪鎧錠散衆華香於講堂傍植八千寶樹枝葉華實衆色芬馥一一樹下爲諸比丘敷師子座於講堂

中央特爲如來設師子座衆寶爲足校飾無量高四丈九尺於座四面化四寶樹作百味之饌若干種食其爲供者合五百人端正皎潔寶纓絡身幻士仁賢化作是已時四天王往詣幻士所化作講堂謂仁賢言甚善仁者乃請如來於此講堂而供養佛寧可聽我次助所乏欲造宮室以奉如來於是仁賢益用踊躍得未曾有報聽天王宜知是時四天王即化作宮室極妙殊好仁賢所建猷蔽不現時天帝釋與三萬二千夫人俱到幻士講堂謂仁賢言善哉快乎真得善利乃請如來於化飾講堂以供養佛寧可聽吾給助所乏欲

造宮殿以奉如來於是仁賢倍復踊躍得未曾有私自疑怪報聽帝釋宜知是時天帝即化作大殿館踰於忉利最勝之宮化植寶樹超于已質拘者之樹殊好猷蔽仁賢四土所立講堂宮室所校諸樹仁賢則自念言世尊非凡乃有如是神妙尊天及諸天子與大供

養奉事如來今我寧可沒滅我之所建大爲迷謬豈忍以此舉向上尊乎於是仁賢欲沒所幻而不能滅徧作諸術亦不可滅幻食供助講堂嚴飾師子之座求爲真實而不可變仁賢驚怪心自念言往昔所言幻現則現欲沒即沒今爲如來變作化供而不能改於是

衣幻士

四

天帝知仁賢所念便告言如卿爲佛化作嚴淨供具不能變復使如本故其見如來發歡喜心常得安隱至泥洹道尔時仁賢踊悅怡懌晨旦白佛飯時已到願可自屈於是世尊著衣持鉢與諸菩薩及比丘僧眷屬圍繞往詣仁賢莊校講堂佛時變化使仁賢知坐所

為立師子之座四天王亦見如來坐所造宮
 師子之座帝釋自念如來坐我所化莊嚴之
 座時王舍城諸不信法眾邪異道棄自貢高
 及瞋怒心一切共詣莊嚴講堂今日共觀瞿
 曇所現感應其邊道法清淨士女悉共喜踊
 往詣講堂今日我等當見如來至真等正覺

聽師子吼觀其變化於是仁賢蠲除自大稽
 首佛足白世尊言惟願如來原我罪過本愚
 所作欲亂如來化作此食助供侍使師子諸
 座亦皆化作心中念悔欲得滅沒所可化現
 佛為聖尊矜恕為意諸所施造令不復變於
 是佛告仁賢一切人民及其所有皆如幻化
 諸坐比丘亦如幻化如我之身亦是慧幻此
 三千大千世界則復為化因緣罪福一切諸
 法亦如幻化皆由因緣各在合會便持所化
 飲食之具分布施設於是幻士仁賢梵王帝
 釋四天王諸助供者擎化食供養世尊及比
 丘眾於是賢者大迦葉說偈曰

如今所設座 及其處上者 定意為平等
 善哉施無上 舍利弗頌曰
 如今供具心 及其受者意 如是常等覺
 是疾畢信施 須菩提頌曰
 是施無所施 受者無所受 其有應是行
 是為畢信施 阿難頌曰 是施為尊乘
本幻士 食者無有心 其身意無著 是為世眾枯
 於是光英菩薩曰 仁賢現此化 一切世亦然
 譬如彼幻士 仁賢現此化 譬如坐樹下
 愚者不及解 光造菩薩曰 所有幻亦空
 悉以幻化作 所有幻亦空 適等無差異
 師子菩薩曰 不聞師子吼 小獸樹間鳴

師子適震吼 馳走竄十方 仁賢卿有限
 以幻惑人民 如來所現幻 眾食不能當
 師子意菩薩曰 供助者亦幻 食飯者皆化
 是飯食化作 供助者亦幻 食飯者皆化
 善哉祠無上 慈氏菩薩曰
 油飶餽澆火 其明益熾盛 仁賢幻如是

佛幻為普現

奕首童子曰

譬如本此處

一切皆化造

仁賢所興幻

欺詐惑眾人

一切法如是

本為悉平等

不覺了當來

愚癡行生死

於是世尊欲勸化幻士仁賢則於講堂之東
化造殿舍長者處其中謂仁賢曰今何所作

答曰我供養沙門瞿曇及比丘僧長者答幻

士勿說是言今者世尊在王阿闍世宮而食

及比丘眾時仁賢承佛威神見佛及僧在王

宮食時佛復化作長者來入講堂問仁賢曰

今何所作答曰今供佛及僧長者答曰勿說

是言今佛及僧遊於異道分衛時仁賢承佛

衣幻士

六

威神見佛之眾於異道分衛復有長者到仁

賢所謂仁賢曰今何所作答曰供佛及眾長

者答曰勿說是言今世尊在耆域醫王後園

為四部眾講說經道仁賢承佛威神見佛在

耆域後園為四部眾講法時天帝釋謂仁賢

曰今何所作答曰我供佛及眾帝釋答曰勿

說是言今者如來在忉利天晝夜樹下為諸

天人講法仁賢承佛威神見佛在忉利天為

天人說法幻士仁賢見諸樹上枝葉華實皆

有寶座如來相好具足僧眾圍繞在諸化師

子座上四天王帝釋梵王而化師子座皆見

坐如來并王舍城諸街里巷館宇皆見如來

徧諸佛世尊前皆見仁賢悔過自肆時仁賢

目之所覩不復見餘但見如來幻士喜踊即

生善心用歡喜故得佛意三昧從定意起叉

手於佛前以頌問佛曰

今我覩見如來神足發意之頌化若干佛

其數百千復過是限若江河沙諸佛如是

我本自謂廣學幻術於閻浮利無與等者

今日觀見佛之神足計校譬喻不可為比

今我目覩不復見餘普見諸佛相好莊嚴

是故今我欲問法王何許是佛惟願尊說

奉事何佛為第一供施何所佛功德最大

何所清淨受施眾祐願為說是平等普見

我今首過一切所犯 身所試佛世雄導師
 其於尊人不行恭敬 是為自棄不得所願
 諸天已聞及與帝釋 於是眾會一切普達
 我今為發菩薩之心 用一切故令悉度脫
 今我為請一切眾生 皆使飽滿甘露安隱
 令睡冥者疾得覺悟 逮得奇特智慧燈明

誰能化變如是所現 聞其所言安定柔粟
 其慧無礙道行最上 彼不生心道意最尊
 願為我說微妙道行 為奉何尊疾逮佛道
 云何如是為具足行 一切弟子所不能及
 無行之行德為何類 正義云何而諦聽聞
 何謂所樂禮節經行 云何而發所生無疑

衣幻士

七

云何精進聞受無厭 何時逮得堅固聽聞
 云如之何講說法教 何謂光曜法皆照人
 云何施道而得慈行 云何得立無異之心
 何謂祠祀所在克備 於眾人民為堅固慈
 云何善師當奉習効 云何惡友而當遠離
 云何得往見佛世尊 已得見值云何供養

當學何學得為上尊 云何精學而得智慧
 云何於戒而為清淨 云何逮得三昧定意
 何所設施成嚴淨行 云何捨離非法之義
 云何於道而伏其意 示現降魔欲塵繫縛
 云何聽受思惟經義 其心不捨一切眾生
 云何教化人物群黎 堅固奉德無所行處
 云何於人而不捨行 善權慈心仁愛之跡
 云何神通而得具足 何謂意志導心尊特
 云何一切得成所願 逮得分別摠持法忍
 辯才清淨行不退轉 深奧之意解義第一
 云何於是得極過度 已得道證微妙曉了
 一切皆知是佛道行 於道堅住而不動轉

惟願說是上妙之義 諸通之慧明智如海
 世尊愍傷願為我說 我思逮得堅固奉行
 於是佛為幻士仁賢說偈曰
 其能解知一切法化 彼則能化億百千佛
 亦能化至億千佛國 所至到處度億群生
 如鄉仁賢以無形色 能示現色觀無央數

彼無有起亦無有滅不見有來亦無去處
如是仁賢其佛正士化現佛身及比丘僧
無所從來不見住處智不思議是佛神足
譬如所幻因緣等一現有象馬車步行人
無有坐者亦無所至是顛倒事人謂為正
諸佛如是無有色身亦無形像不行無處
衣幻士

自見身者求索處所寤不覺者除去衆想
佛無色貌離於相好不起種姓觀不可見
無有意聲及以言說無心意識離所思念
如佛所覺實為以來三世悉空想無所起
常不生想已見本淨彼無有法其德皆吉
佛之所生本淨無數無有四大亦無蔭蓋
彼之所住不動無著不能曉了智慧之眼
如我所覺為得見佛其人未曾得見世尊
見無所見為觀導師譬如舉手探捉虛空
如鄉仁賢所見諸佛悉為一義當平等定
我亦如是餘佛無異一切正慧其相平等
其戒清淨三昧平等定意智慧解脫平等

於是慧等度知見事一切諸力佛之名德
空義平等及行道跡一切諸法所住無礙
一切如幻本淨解脫無所成就所起嚴淨
仁賢當知供一佛已為已奉事十方諸佛
想此如是法平等故求索若干終不可得
一切能淨人之信施一切所施皆大得果

一切清淨起法平等佛無若干亦無差特
一切皆悉審為是佛有顛倒行則不見佛
今是諸佛所示形像一切皆盡平等無處
如鄉仁賢念所見佛譬若如仁所造化作
喻觀五陰亦當如是凡著諸蓋及與愚癡
其是無生不實無有於此無處亦無所立
衣幻士

是不可見亦無有色諦觀是已不得久住
五陰自然於是如幻衆生諍訟自貪身相
無相之相所可現相正覺佛道遠如復遠
虛妄之法超衆想處生衆因緣無形之樹
造發衆事若干衆意斷諸受想是為本無
其知因緣及所作為彼即了法逮得離欲

離欲法已即識知如即得見道其眼清淨
佛說此偈時幻士仁賢得柔順法忍五千人
未曾發心皆發無上正真道意二百天人遠
塵離垢諸法眼淨於是佛食化飯已欲增益
仁賢信施之德便說偈言 如施不想報
所與者得淨 一切施等具 仁賢德滿足

賢者大目犍連白佛言惟願世尊令化講堂
得住晝夜七日使不滅沒佛即以威神令化
講堂晝夜七日止不滅莊嚴如故時佛從
坐起與比丘及諸菩薩天龍鬼犍沓想往詣
佛所聽受經法於是仁賢往到佛所稽首禮
足繞佛三匝却叉手住白佛言唯世尊菩薩
有幾道行所可住處得至道場曉了正義於
是佛告仁賢諦聽善思念之吾當為汝解說
菩薩道場於是仁賢與諸大衆受教而聽佛
言菩薩有四事住於道得至道場一曰心常
習諸通慧二曰不捨一切人三曰求功德無
有厭四曰護諸法常行精進是為四得至道

場復有四清淨得至道場一曰護戒清淨
二曰意性清淨三曰慧清淨四曰所生清淨
是為四復有四事法弟子緣覺所不能及一
曰其行過於四禪二曰其心多所入三曰行
大哀於衆生四曰辯才之音若干種是為四
復有四威儀行一曰樂於閑居遠離衆鬧二

曰住於彼行慈念衆生三曰無諛誦邪行無
所至到四曰求於道行是為四復有四所問
無礙無能斷截一曰不惜身命二曰心常觀
悅三曰棄貢高四曰常奉行法是為四復有
四事所行具足一曰常知時節二曰隨人所
喜而現教三曰常知羞慚四曰知止足是為
衣初上十

四復有四事意行平等一曰隨人所應而恭
敬教授二曰所願大智慧所應教授三曰不
說他人長短四曰見說短者慈心向之不懷
結怨是為四復有四事名德具足莫不聞知
一曰自學深慧并施教他人二曰有來問事
悉遣彼疑三曰常護正法四曰佛之意力而

不可盡是為四復有四事博聞堅強一曰聞法則解所歸二曰所聞法樂不貪家懷居三曰聞已廣宣咸為人說四曰已聞起賢聖解說向佛道法是為四復有四事講說經法名德流行一曰先辦眾後受以衛之食二曰得利養衣被飯食牀卧醫藥降伏魔力三曰盡夜樂法為諸天所護四曰不輕嫉他人是為四復有四事光曜眾會身得自在一曰少於所欲二曰知止足三曰微妙柔奕四曰身自奉法是為四復有四事得明慧利說法無異一曰拔濟生死之懼二曰不希求世供養之利三曰常護他人四曰常住道願是為四復有四事法有返復知報善惡一曰勸化人使發道意二曰不夫所成立之功三曰自敬念迎當來慈四曰常詣正士法師是為四復有四事不壞慈一曰具足忍力二曰不誘嫉他人眷屬三曰不捨大哀四曰求脫罪福因緣志在于道是為四復有四事習於慈行一曰

未
幻士

十一

常和合人二曰性行柔順三曰其行具足四曰所有稍稍近道是為四復有四事知是惡師一曰教人為小道二曰教人壞菩薩意三曰教求名聞增益不善之法四曰教遠離功德善法是為四復有四事與世尊諸佛共會一曰常一其心二曰常說諸佛世尊功德三曰奉清淨之戒四曰志性不捨本願是為四復有四事法稱其德行供養菩薩及如來尊不以懈倦一曰所供養佛最尊眾祐二曰其有見我亦當効行三曰見如來道意得堅固四曰得見三十二大人之相其功德本使成善權是為四復有四事觀經義學菩薩戒行得至尊上一曰過度惡道二曰常勸立善道三曰恭敬如來四曰具足所願是為四復有四事學一曰不捨道意二曰等於一切三曰求度無極四曰護無數諸佛法使不斷絕是為四復有四事行清淨戒一曰奉行少事二曰解了空行三曰不犯邪見狐疑四曰無猶

豫心是爲四復有四事三昧種姓一曰不習
土地語言二曰心清淨無著三曰成功德本
四曰稍近佛道是爲四復有四事應清白行
一曰興諸善本二曰其心宴寂行無所著三
曰所見隨其脫門四曰寂定於道義是爲四
復有四事棄瑕穢心一曰恐畏生死常專其
行二曰欲求解脫功德之本三曰於安隱無
所造立四曰心無所起是爲四復有四事降
伏其心一曰以一人之故當來億百千數遊
在生死二曰知一切人心所念爲斷塵勞隨
其本願而爲說法三曰悉棄捐諸不善法奉
行衆善坐於道場降伏魔兵逮得無上正真
之道四曰聲告三千大千世界爲其說法是
爲四復有四事降伏魔然一曰觀視幻法清
淨之行二曰逮得不起法忍三曰截斷諸無
慧之事四曰已離生死奉修正行是爲四復
有四事思惟經義一曰因緣法起不爲無緣
二曰興立深法而無有人三曰觀視空法而

去幻士

十三

無所起四曰自然無想悉爲虛寂是爲四復
有四事心不捨菩薩法一曰不捨本願二曰
忍於苦惱三曰不惜身命四曰不捨四恩行
是爲四復有四法開化人一曰衣食布施應
爲說法二曰數數勸使堅固三曰自在安隱
之業四曰立他人善本是爲四復有四事安
諦受法而攝奉行一曰善本雖少心不輕念
二曰常奉行安隱行三曰布施調意修善具
足四曰奉承經義使一切歸趣安隱是爲四
復有四事得入道行一曰逮得神通二曰成
就正慧三曰在天道心入無量四曰一切所
造但習空行不著解脫是爲四復有四事奉
修慈心一曰救護幻化之人二曰常開導人
使持法三曰度脫幻者四曰使得無爲是爲
四復有四事奉修哀心一曰爲惡道故而作
親友使得入道而爲興哀二曰使離惡罪教
令修善三曰教求小道者勸發大乘四曰設
行哀者爲一切衆生而攝此哀是爲四復有

四事行善權方便一曰一切心向道意在前三
二曰不捨塵勞心況善權方便心三曰觀一
切人及衆邪見悉爲法器四曰見一切法悉
爲佛法自然得最正覺念行諸三昧速得善
解脫是爲四復有四事速神通行一曰常輕
其身及本淨意二曰輕心自然如幻三曰所

衣幻士

十三

作惟造立法四曰寂然一心而無憤亂是爲
四復有四事得分別法句一曰念成慧義不
爲嚴飾二曰惟求取法而不取人不起無所
滅三曰知一切無盡不可盡四曰所說於文
字無著無縛是爲四復有四事速得惣持一
曰不厭博聞常敬法師二曰常行精進爲人
說經三曰曉近一切法句而不失義四曰又
使入如來之法是爲四復有四事速得法忍
一曰度不度者二曰解未脫者三曰一切樂
法四曰不斷善行是爲四復有四事速得辯
才一曰見他法師所說不求其短二曰聽採
法義不以貢高三曰不自稱舉四曰見少智

未學不以輕易是爲四復有四事行不退轉
一曰不退於娑怒癡二曰於衆生之行不退
轉三曰於一切不善法而不退轉四曰解最
正覺而不退轉是爲四復有四事解深義一
曰曉十二因緣二曰自然解得佛道爲正諦
覺三曰一切法一義其義悉空四曰悉解佛

道是爲四復有四事得成所願一曰戒忍清
淨二曰淨除惡道三曰質朴無有諛諂四曰
如善權方便隨其本行是爲四復有四事得
成諸度無極不退轉法一曰以一波羅蜜悉
入諸度無極二曰善權使一切人皆入一切
人亦無有三曰見一切法悉爲一法離諸所
欲四曰見一切佛悉爲一佛以法身故是爲
四得成諸度無極不退轉法佛說四事句時
幻士仁賢得起法忍歡喜踊躍在虛空去
地四丈九尺時佛見幻士仁賢心所念便笑
賢者阿難以偈讚而問曰 差特無量威
慧事踰日月 三世悉聞名 德稱度無極

所知了三達 佛以逮自在 念佛何故笑

惟願為解說 一切衆生類 住立若所立

已見諸人心 人尊無所著 其於下中上

如是為悉淨 今佛所笑者 惟願解說之

諸天聞其聲 真隨人亦然 帝釋阿須倫

乳陀摩睺勒 梵天亦如是 其聲寂清淨

衣幻士

十四

彼諸所有音 終不與佛等 月所出光明

及日摩尼珠 其帝釋光明 一切光及梵

其明悉蔽歇 為盡不復現 佛出光明時

悉照諸佛國 已解諸深法 靜然為空寂

其無有吾我 亦無有壽命 不有亦不無

悉指是二事 尊皆令世吉 所遊如月光

於此惟發心 立意遵妙道 今誰於佛道

安定住正法 所以得受身 歸念佛寶尊

善哉惟願說 今日所笑意 佛說義清淨

為諸弟子故 佛尊為安隱 其光普日照

為異學故說 辟支諸佛義 若為求佛者

志尊上妙法 摠持等無疑 於是天中天

惟願為解說 所應得佛道 此色佛光焰

清淨滅垢穢 還來繞佛身 頂上沒不現

爾時佛告賢者阿難寧見幻士仁賢乎踊在

虛空對曰已見世尊佛言阿難族姓子仁賢

却後九萬三千劫當得作佛名嚴淨王如來

至真等正覺明行成爲善逝世間解無上士

道法御天人師号佛世尊世界名曰大淨劫

曰幻化其嚴淨王如來大淨世界人民衆多

安隱快樂五穀豐賤其上平博無有丘墟日

月光照種種樹木皆以莊嚴衆香具足常懸

幢幡其國人民如意所願皆見佛土嚴淨所

有自然譬如第二忉利天上七寶宮殿其國

衣幻士

十五

人民皆見國土安雅生彼佛國者皆求上願

志於大乘嚴淨王如來住世萬歲般泥洹後

行法住億歲臨佛滅度有菩薩名曰聞稱佛

授其決我滅度後是聞稱菩薩當得作佛名

曰普達如來至真等正覺明行成爲善逝世

間解無上士道法御天人師号佛世尊時族

姓子仁賢從虛空下稽首佛足白佛言佛是我師導御善道惟世尊我與無數百千人歸命等正覺及法比丘僧若如來本無諸佛本無無異其如者無壞如者無動如者無想念如者無所起如者無行如者無二如來本無亦復如是我因是成就於是賢者阿難問族

姓子仁賢於如來法爲何所得乃說如來本無今鄉遠離於本無事答曰一切法皆棄離余乃興如來法於阿難意云何如來皆了本無致等正覺以故如來本無無壞者我亦得之一切人亦逮本無惟賢者意云何如來法爲有二乎惟阿難法無二無二有想者其識

若干所以者何指捨衆想乃成佛慧尔時阿難白佛言惟世尊族姓子仁賢寧當復持本所幻化迷惑諸天人不耶佛告阿難於是仁賢入法智慧之幻所以者何用明智辯才故也時世尊告族姓子仁賢鄉寧能化惑諸天世人對曰唯然如佛所惑化我亦如是所以

者何解無者是爲大行号有人名無壽命無有人而言有人如來無字亦不處道場何所法中有去没去而說法有去來教法無般泥洹而現泥洹法是故世尊說平等行便能化惑諸天世人爲說如來功德平等時佛讚族姓子仁賢善哉善哉仁賢如鄉所說爲人化

惑說無音聲法時仁賢從佛求出家佛告弥勒菩薩汝下幻士鬚髮令作沙門弥勒受教即使仁賢爲出家志已還白佛言唯然世尊是非菩薩形貌色像亦非沙門所以者何其有菩薩成諸通慧處於三界教化群生是爲菩薩出家也說是語時五千人發無上正真

十六

道意二百比丘漏盡意解尔時賢者阿難白佛言當何名斯經以何奉行之佛告阿難是經名授幻士仁賢决又名稍入至佛道佛言阿難其有菩薩欲得見佛爲一切故當受是經持諷誦讀當曠其志爲他人說所以者何其於是法菩薩求道是爲大乘平等經法以

故是經名曰稍入道義佛告阿難我以經屬
 累汝心念口諷執持經卷若聞奉行眾惡友
 趣當知其入曾見五百佛然後得佛道時族
 姓子仁賢白佛言受是經皆本功德唯然世
 尊我本亦學所以者何聞是經者皆前善本
 善權我心如是佛說經已族姓子仁賢比丘
 賢者阿難一切眾會諸天龍神阿湏倫世間
 人民聞經歡喜稽首而退

幻士仁賢經

衣二

惣持上惣僚音寮頃穎州域下溝坑
反古墟聚杜港也反颺也阨反感不九反方